

## 1.0 Sejarah Kelahiran Al-Shāfi‘ī

Berkenaan tarikh kelahiran al-Shāfi‘ī, para ulamak sejarah bersepakat bahawa beliau dilahirkan pada tahun 150H bersamaan 767M<sup>1</sup>. Pada tahun kelahiran ini, al-Shāfi‘ī sering dikaitkan dengan pemergian Imām Abū Ḥanīfah. Kerana itu beliau sering dianggap *mujaddid* bagi kurun tersebut sebagai pengganti kepada pemergian seorang imam<sup>2</sup>.

Menurut setengah pihak, Imām al-Shāfi‘ī dilahirkan pada siang hari Jumaat di bulan Rejab. Dikatakan pada malam hari tersebut Abū Ḥanīfah meninggal dunia<sup>3</sup>. Namun dakwaan ini ditolak beberapa kalangan ulamak, seperti Imām Al-Bayhaqī dan Abū Zuhrah<sup>4</sup>. Ini kerana tidak terdapat riwayat yang kuat dan *ṣahīḥ* berhubung isu ini<sup>5</sup>.

Mengenai tempat kelahiran beliau, para ahli sejarah berbeza pendapat berdasarkan kepada fakta sejarah<sup>6</sup>:

1. Al-Shāfi‘ī dilahirkan di Ghazzah (Palestin). Fakta ini berdasarkan pengakuan al-Shāfi‘ī : “Aku telah dilahirkan di Ghazzah pada tahun 150H / 767M”.
2. Al-Shāfi‘ī dilahirkan di bandar ‘Asqālān, Palestin. Bandar ini terletak kira-kira tiga *farsakh*<sup>7</sup> dari pekan Ghazzah. Al-Shāfi‘ī menyatakan : “Aku telah dilahirkan di

<sup>1</sup> Al-Nawawī, Abū Zakariyyā Yaḥyā bin Sharf (1992), *Tahdhīb al-Asmā’ wa al-Lughāt*, Beirut, Dār al-Kutub al-‘Ilmiyyah, Jld 1, h 26.

<sup>2</sup> Abū Zuhrah, Muḥammad (1996), *Al-Shāfi‘ī*, Cet 2, Kaherah, Dār al-Fikr al-Arabī, h15.

<sup>3</sup> Al-Zubaydī, Muḥammad Murtaḍā (1965), *Tāj al-‘Arūs min al-Jawāhir al-Qamūs*, Kuwayt, Wizārah al-Irshād wa al-Anbā’, Jld 8, h 4.

<sup>4</sup> Abū Zuhrah, Muḥammad (1996), *Tārīkh al-Madhāhib al-Islāmiyyah*, Kaherah, Dār al-Fikr al-‘Arabī, h 424 & al-Bayhaqī, Abu Bakr Aḥmad (1971), *Manāqib Al-Imām Al-Shāfi‘ī*, Kaherah, Dār al-Turāth, h 11.

<sup>5</sup> Mas’ūdī, Muḥammad Radīd al- (1996), *Al-Mu’tamad min Qadīm Qawl Al-Shāfi‘ī ‘alā al-Jadīd*, Riyāḍ, Dār al-‘Ālam al-Kutub, h 8.

<sup>6</sup> Al-Ḥamawī, Ibn ‘Abd Allāh Yaḥyā ‘Abd Allāh (1980), *Mu’jam Uḍabā’*, Beirut, Dār al-Kutub al-‘Ilmiyyah, Jld 17, h 282.

<sup>7</sup> Satu *farsakh* bersamaan tiga batu.

‘Asqalān, dan terletaknya ‘Asqalān dari Ghazzah dalam tiga farsakh, dan keduanya di Palestin”.

3. Al-Shāfi‘ī dilahirkan di Yaman. Al-Shāfi‘ī berkata : “Aku telah diberanakkan di Yaman, kerana takut terpencil, maka ibuku telah membawa aku pergi ke Mekah”.

Melihat fakta di atas, pendapat pertama dan kedua lebih mendapat sokongan dari kebanyakan ahli sejarah<sup>8</sup>. Sebahagian besar para ulamak pula menguatkan pendapat pertama disebabkan kekuatan sanadnya<sup>9</sup>. Bagaimana pun, pendapat pertama dan kedua dapat dikompromikan bahawa al-Shāfi‘ī dilahirkan di Ghazzah. Kemudian ibunya membawanya ke ‘Asqalān, memandangkan ‘Asqalān adalah bandar, sedangkan Ghazzah adalah kampung. Maka maksud al-Shāfi‘ī dengan Ghazzah, adalah kampung kelahirannya, dan ‘Asqalān pula bandar bagi Ghazzah<sup>10</sup>.

Mengenai pendapat ketiga, setengah ulamak menta’wīlkan perkataan “Yaman” bermakna majoriti penduduk di Ghazzah dan ‘Asqalān terdiri dari arab Yaman<sup>11</sup>. Tetapi, ada dikalangan ulamak yang menta’wīlkan maksud “Yaman” itu adalah kabilah Yaman<sup>12</sup>. Namun persepakatan mengatakan al-Shāfi‘ī dilahirkan di Palestin mengikut majoriti ahli sejarah.

---

<sup>8</sup> Nahrawī, Aḥmad (1988), *Imām Al-Shāfi‘ī fī Madhhabāyih al-Qadīm wa al-Jadīd*, Cet 1, Maṭba‘ah, Kaherah, h 28.

<sup>9</sup> Ibn Ḥajar al-‘Asqalānī, Aḥmad bin ‘Alī (1301H), *Tawālī Ta’sīs bi al-Ma’ālī Ibn Idrīs*, Kaherah, Maṭba‘ah al-Muniriyyah, h 49.

<sup>10</sup> Nahrawī, Aḥmad (1988), *Op.cit*, h 27.

<sup>11</sup> Al-Ḥamawī, Ibn ‘Abd Allāh Yaqūt ‘Abd Allāh(1980), *Mu’jam Udabā’*, Beirut, Dār al-Kutub al-‘Ilmiyyah, Jld 17, h 282.

<sup>12</sup> Ibn Ḥajar al-‘Asqalānī, Aḥmad bin ‘Alī (1301H), *Op.cit*, h 49.

## 2.0 Keturunan Al-Shāfi‘ī

### 2.1 Nasab Al-Shāfi‘ī Sebelah Bapa

Ahli sejarah bersepakat bahawa nasab al-Shāfi‘ī sebelah bapa berasal dari keturunan Qurāysh. Ini kerana nasab bapanya terhenti kepada al-Muṭṭalib, yang merupakan adik beradik dengan Hāshim iaitu moyang Nabi Muhammad S.A.W<sup>13</sup>. Secara jelas nasab al-Shāfi‘ī sebelah bapa adalah:

Al-Shāfi‘ī adalah Muḥammad bin Idrīs bin Al-‘Abbās bin Uthmān bin Shāfi‘ bin Sā‘ib bin ‘Ubāyd bin Abd Yazīd bin Hāshim (bukan moyang Nabi) bin Al-Muṭṭalib bin Abd Al-Manāf. Nama panggilan bagi al-Shāfi‘ī pula adalah Abū ‘Abd Allāh<sup>14</sup>.

Daripada salasilah di atas, dapat dirumuskan seperti berikut :

1. Moyang al-Shāfi‘ī, Al-Muṭṭalib dengan moyang Nabi S.A.W, iaitu Hāshim adalah anak ‘Abd Al-Manāf<sup>15</sup>. Maka nasab al-Shāfi‘ī dari sebelah bapanya bertemu dengan nasab Rasullulah S.A.W pada jalur ‘Abd Al-Manāf<sup>16</sup>.
2. Seramai empat orang dari keturunan -moyang- al-Shāfi‘ī terdiri dari para sahabat Nabi S.A.W. Antaranya: ‘Abd Yazīd, ‘Ubāyd, Sā‘ib dan Shāfi‘<sup>17</sup>. Contohnya, al-Sā‘ib

---

<sup>13</sup>Mas‘ūdī, Muḥammad Radīd al-(1996), *Al-Mu‘tamad min al-Qadīm Qawl Al-Shāfi‘ī ‘alā al-Jadīd*, Riyāḍ, Dār al-Kutub, h 7.

<sup>14</sup> Ibn Ḥazm, Abū Muḥammad ‘Alī bin Aḥmad (1983), *Jamharah al-Ansāb al-A‘rāb*, Beirut, Dār al-Kutub al-‘Ilmiyyah, h 73.

<sup>15</sup>Judī, Nūr Abd (2006), *Manāhij Fuqahā’ al-Arba‘ah*, Cet1, Dār Tajdīd, h118.

<sup>16</sup>Al-Nawawī, Abū Zakariyyā Yaḥyā bin Sharf (2001), *Al-Majmū‘ Sharḥ al-Muḥadhdhab*, Cet1, Beirut, Dār al-Iḥyā’ al-Turāth al-‘Arabī, Jld 1, h 23.

<sup>17</sup> Ibn Ḥajar al-‘Asqalānī, Aḥmad bin ‘Alī (1939), *Al-Iṣābah fī Tamyīz Al-Ṣaḥābah*, Beirut, Dār al-Kutub al-‘Ilmiyah, Jld 2, h 424.

pernah ditawan dan telah menebus dirinya dengan harta dan kemudian memeluk Islam<sup>18</sup>.

3. Keakraban nasab keturunan Banī Al-Muṭṭalib dengan Banī Hāshim sangat erat. Hal ini diperakui oleh Nabi S.A.W melalui sabdanya : “Banī Hāshim dan Banī Al-Muṭṭalib adalah satu keturunan”<sup>19</sup>. Dari keturunan yang mulia ini, al-Shāfi‘ī sering dijuluki dengan gelaran “Al-Imām Al-Muṭṭalibī Al-Hāshimī Al-Qurashī”<sup>20</sup>.

Terdapat pendapat *shādh* mengatakan al-Shāfi‘ī berasal dari keturunan hamba yang meminta untuk dijadikan sebagai saudara (*mawālī*) kepada bangsa Quraysh<sup>21</sup>. Bagaimana pun, Fakhr Al-Dīn Al-Rāzī menolak sekerasnya dengan hujah-hujah berikut<sup>22</sup> :

1. Pengakuan al-Shāfi‘ī sendiri di hadapan khalifah Hārūn Al-Rashīd bahawa beliau berketurunan Quraysh ketika dituduh sebagai *Shī‘ah ‘Alawiyyah*. Ini bermakna al-Shāfi‘ī cukup terkenal dengan nasab keturunannya yang mulia.
2. Tokoh ulamak hadis dan sejarah memperakui kebenaran nasab al-Shāfi‘ī, seperti kenyataan Imām Muḥammad bin Ismā‘īl al-Bukhārī, Imām Muslim bin Ḥajjāj dan Imām Ibn Ḥajar al-‘Asqalānī<sup>23</sup>.

---

<sup>18</sup> Al-Rāzī, Fakhr Al-Dīn Muḥammad bin Umar bin Alī (t.t), *Manāqib Al-Imām Al-Shāfi‘ī*, Kaherah, Maktabah al-‘Alāmiyyah, h 3.

<sup>19</sup> Mas‘ūdī, Muḥammad Radīd al-(1996), *Al-Mu‘tamad min al-Qadīm Qawl Al-Shāfi‘ī ‘alā al-Jadīd*, Riyād, Dār al-Kutub, h 8.

<sup>20</sup> Maszlee Malik (2007), 22-23 Ogos, *Seminar Pemikiran Tajdid Imām Al-Shāfi‘ī*, Kertas Kerja III, API, UM, h 1.

<sup>21</sup> Al-Rāzī, Fakhr Al-Dīn Muḥammad bin Umar bin Alī (t.t), *Manāqib Al-Imām Al-Shāfi‘ī*, Kaherah, Maktabah al-‘Alāmiyyah, h 3.

<sup>22</sup> *Ibid*, h 4-5.

<sup>23</sup> Ibn Ḥajar al-‘Asqalānī, Aḥmad bin ‘Alī (1939), *Al-Iṣābah fī Tamyiz Al-Ṣaḥābah*, Beirut, Dār al-Kutub al-‘Ilmiyah, Jld 2, h 42.

## 2.2 Nasab Al-Shāfi‘ī Sebelah Ibu

Ahli sejarah telah berselisih pendapat mengenai salasilah al-Shāfi‘ī sebelah ibu, kepada dua pendapat :

1. Pendapat masyhur mengatakan ibu al-Shāfi‘ī berasal dari suku kaum Al-Azd, yang berdarah arab Yaman. Riwayat Ibn ‘Abd al-Ḥakam dari al-Shāfi‘ī : “ Ibuku berasal dari suku kaum Al-Azd, dan beliau telah mendapat gelaran Umm Al-Ḥabībah Al-Azdiyyah ”. Pendapat ini diperkukuhkan dengan pengakuan cucu al-Shāfi‘ī, iaitu Muḥammad (anak lelaki kepada anak perempuan al-Shāfi‘ī) sendiri<sup>24</sup>.
2. Pendapat *shādh* pula mengatakan ibu al-Shāfi‘ī adalah Fāṭimah binti ‘Abd Allāh bin Ḥusāyn bin Ḥasan bin ‘Alī bin Abī Ṭālib<sup>25</sup>, dan pendapat ini disokong oleh al-Subkī. Namun pandangan ini ditolak kerana ia bertentangan *ijmā*<sup>26</sup>. Kerana riwayat yang *thābit* dari al-Shāfi‘ī adalah : “ ‘Alī bin Abī Ṭālib adalah anak kepada bapa saudaraku sebelah bapa, dan anak kepada mak saudaraku sebelah ibu ”<sup>27</sup>. Maka menurut al-Nawawī, ibunya adalah Fāṭimah binti ‘Abd Allāh dari bangsa al-Uzd<sup>28</sup>.

## 3.0 Ahli Keluarga Al-Shāfi‘ī

Al-Shāfi‘ī telah berkahwin dengan Ḥamīdah binti Nāfi‘ bin Uyaynah bin ‘Amrū bin Uthmān bin ‘Affān, iaitu cicit kepada khalifah Uthmān bin ‘Affān<sup>29</sup>. Umur al-Shāfi‘ī

---

<sup>24</sup>Ibn Hajar al-‘Asqalānī, Aḥmad bin ‘Alī (1301H), *Tawālī Ta’sīs bi al-Ma’ālī Ibn Idrīs*, Kaherah, Maṭba‘ah al-Muniriyyah, h 45.

<sup>25</sup>Al-Subkī, ‘Abd al-Wahhab bin Alī bin ‘Abd al-Kāfī (t.t), *Ṭabaqāt Al-Shāfi‘iyyah Al-Kubrā*, Kaherah, Maṭba‘ah al-Ḥusayniyyah, Jld 1, h 100.

<sup>26</sup>Abū Zuhrah, Muḥammad (1996), *Al-Shāfi‘ī*, Cet 2, Kaherah, Dār al-Fikr al-‘Arabī, h 17.

<sup>27</sup>Al-Subkī, ‘Abd al-Wahhab bin Alī bin ‘Abd al-Kāfī (t.t), *Op.cit*, h 46.

<sup>28</sup>Al-Nawawī, Abū Zakariyyā Yaḥyā bin Sharf (2001), *Al-Majmū’ Sharḥ al-Muhadhdhab*, Cet1, Beirut, Dār al-Iḥyā’ al-Turāth al-‘Arabī, Jld 1, h 14.

<sup>29</sup>Sihabuddin Muhaemin (2005), *Pandangan Al-Shāfi‘ī dalam Qawl Qadīm & Qawl Jadīd* :satu analisis, Akademi Pengajian Islam, h 30.

ketika itu sekitar 29 atau 30 tahun<sup>30</sup>. Hasil perkongsian hidup, al-Shāfi'ī telah dikurniakan seorang anak lelaki dan dua anak perempuan. Anak sulung beliau bernama Muḥammad, dan nama timangannya adalah Abū Uthmān. Abū Uthmān merupakan *qāḍī* di kota Ḥalab, Syam. Manakala dua anak perempuan al-Shāfi'ī, bernama Fāṭimah dan Zaynab.

Dikatakan al-Shāfi'ī juga telah berkahwin dengan hamba perempuannya. Hasil pernikahan itu, beliau mendapat seorang lagi anak lelaki bernama Ḥasan. Namun Ḥasan telah meninggal dunia sejak kecil<sup>31</sup>. Ada riwayat lain mengatakan al-Shāfi'ī mempunyai tiga anak lelaki dan seorang anak perempuan. Maksudnya, selain Muḥammad (Abū Uthmān) dan Ḥasan, seorang lagi anak lelaki beliau bernama 'Abbās, sedangkan anak perempuan beliau hanya Fāṭimah<sup>32</sup>.

Walaupun berlaku perbezaan riwayat, namun riwayat yang disokong adalah al-Shāfi'ī mempunyai dua orang isteri dan empat orang anak. Hal ini diperakui oleh cucu al-Shāfi'ī Aḥmad bin Muḥammad yang merupakan anak kepada anak perempuan al-Shāfi'ī Fāṭimah<sup>33</sup>.

#### **4.0 Kewafatan Al-Shāfi'ī**

Berkenaan kewafatan al-Shāfi'ī, di sana terdapat beberapa faktor kepada kematian beliau :

---

<sup>30</sup> Al-Rāzī, Fakhr Al-Dīn Muḥammad bin Umar bin Alī (t.t), *Manāqib Al-Imām Al-Shāfi'ī*, Kaherah, Maktabah al-'Alāmiyyah, h 17.

<sup>31</sup> *Ibid*, h 17.

<sup>32</sup> Ibn Ḥazm, Abū Muḥammad 'Alī bin Aḥmad (1983), *Jamharah al-Ansāb al-'Arab*, Beirut, Dār al-Kutub al-'Ilmiyyah, h 73.

<sup>33</sup> Al-Qurṭubī, Abū Umar Yūsuf bin 'Abd Al-Barr (1980), Muḥammad Al-Anṣārī (Ed), *Al-Intiqā' fī al-Faḍāil al-Thalāthah al-'Immah, Mālik,*

*Shāfi'ī, Abī Ḥanīfah*, Beirut, Dār al-Kutubal-'Ilmiyyah, h 68.

1. Al-Shāfi‘ī mengidap penyakit buasir yang kronik. Dikatakan penyakit ini dihidap beliau kerana pengambilan sejenis tumbuhan yang dinamakan *al-lubbān*, untuk tujuan menghafal dan menguatkan ingatan<sup>34</sup>.

Murid beliau Rabī‘ al-Murādī pernah menceritakan : “Al-Shāfi‘ī sangat derita dengan penyakit buasirnya, sehingga kadang-kadang aku melihat darah mengalir keluar sehingga membasahi seluar dan khufnya, ketika beliau sedang menunggang tunggangan beliau”<sup>35</sup>.

2. Akibat kesan luka di kepala kerana dipukul sekumpulan pengikut fanatik mazhab Mālik yang bernama Fityān bin Abū Samah Al-Mālikī. Kejadian ini berlaku hasil perdebatannya dengan al-Shāfi‘ī berkenaan hukum “*Bāy’ Al-Ḥur*”, iaitu menjual hamba yang telah digadai, dan hamba itu pula telah dimerdekakan oleh pengadai, iaitu tuan kepada hamba tersebut<sup>36</sup>. Mengikut reaksi kebanyakan para ulamak, mereka menafikan kejadian ini. Ini kerana riwayat kisah ini tidak *ṣahīḥ* di sisi ulamak *al-tārikh* menurut Ibn Ḥajar Al-‘Asqalānī<sup>37</sup>. Selain kisah ini juga tidak logik menurut Abū Zuhrah<sup>38</sup>.

3. Terdapat beberapa ulamak ekstrimis mazhab Mālikī di Mesir yang sentiasa mendoakan al-Shāfi‘ī segera meninggal dunia. Memandangkan kewujudan al-Shāfi‘ī di Mesir

---

<sup>34</sup>Ibn Ḥajar al-‘Asqalānī, Aḥmad bin ‘Alī (1301H), *Tawālī Ta’sīs bi Al-Ma’ālī Ibn Idrīs*, Kaherah, Maṭba‘ah al-Muniriyyah, h 86 & Ibn Jāwzī, Abū al-Farj ‘Abd al-Raḥmān bin ‘Alī al-Jāwzī(1935), *Ṣīfat al-Ṣaḥābah*, Kaherah, Dār al-Ma‘ārif, Jld 1, h 258.

<sup>35</sup>Mas‘ūdī, Muḥammad Radīd al-(1996), *Al-Mu’tamad min al-Qadīm Qawl Al-Shāfi‘ī ‘alā al-Jadīd*, Riyāḍ, Dār al-Kutub, h 35.

<sup>36</sup>Al-Ḥamawī, Ibn ‘Abd Allāh Yaqūt ‘Abd Allāh(1980), *Mu’jam Udabā’*, Beirut, Dār al-Kutub al-‘Ilmiyyah, Jld 17, h 53.

<sup>37</sup>Ibn Ḥajar al-‘Asqalānī, Aḥmad bin ‘Alī (1301H), *Tawālī Ta’sīs bi al-Ma’ālī Ibn Idrīs*, Kaherah, Maṭba‘ah al-Muniriyyah, h 86.

<sup>38</sup>Abū Zuhrah, Muḥammad (1996), *Tārikh al-Madhāhib al-Islāmiyyah*, Kaherah, Dār al-Fikr al-‘Arabī, h 437.

mengakibatkan mazhab Mālikī hilang pengaruhnya<sup>39</sup>. Namun faktor ini kelihatan berunsur prejudis.

Kesimpulannya, majoriti ulamak sejarah telah bersepakat bahawa al-Shāfi'ī meninggal dunia pada malam Jumaat, selepas waktu isyak pada hari terakhir bulan Rejab, bersamaan 4 Januari tahun 820M/204H. Beliau ketika itu berusia 54 tahun<sup>40</sup>.

## 4.0 Sejarah Kehidupan Al-Shāfi'ī

### 4.1 Kehidupan Al-Shāfi'ī di Mekah

Al-Shāfi'ī telah dibesarkan dalam keluarga miskin. Bapanya telah meninggal dunia sewaktu beliau masih dalam buaian lagi<sup>41</sup>. Kerana takut al-Shāfi'ī kehilangan identitinya sebagai arab Quraysh, ibunya telah membawanya ke Mekah. Pada ketika itu al-Shāfi'ī baru berumur 2 tahun, iaitu sekitar tahun 151H atau 152H. Ada riwayat lain mengatakan umurnya 10 tahun, iaitu sekitar tahun 160H atau 161H<sup>42</sup>. Menurut Abū Zuhrah, kedua-dua riwayat ini bermakna al-Shāfi'ī berangkat ke Mekah sebanyak dua kali. Kali pertama ketika berusia 2 tahun bagi tujuan berkenalan dengan saudara maranya. Kali keduanya sewaktu berumur 10 tahun dengan tujuan terus menetap di Mekah<sup>43</sup>. Di Mekah, al-Shāfi'ī tinggal di *shi'b al-khāyf*<sup>44</sup>.

---

<sup>39</sup>Al-Qādī, Abu Faḍl 'Iyād bin Mūsā al-Yahṣabī, *Tarīḥ al-Madārik wa Taqrīb al-Masālik li al-Ma'rīfah 'Alā al-Madhdhab al-Mālik*, Beirut, Dār Ihyā' al-Turāth al-'Arabī, h 453.

<sup>40</sup>Al-Qurṭubī, Abū Umar Yūsuf bin Abd Al-Barr (1980), Muḥammad Al-Anṣārī (Ed), *Al-Intiqā' fi al-Faqā'il al-Thalāthah al-Aimmah, Mālik, Shāfi'ī, Abī Ḥanīfah*, Beirut, Dār al-Kutub al-'Ilmiyyah, h 102.

<sup>41</sup>Abū Zuhrah, Muḥammad (1996), *Al-Shāfi'ī*, Cet 2, Kaherah, Dār al-Fikr al-'Arabī, h 17-18.

<sup>42</sup>Al-Baghdādī, Abū Bakr Aḥmad bin Alī al-Khāṭib (1931), *Tārīkh Baghdād*, Mesir, Maktabah al-Khanjī, Jld 13, h 59.

<sup>43</sup>Abū Zuhrah, Muḥammad (1996), *Al-Shāfi'ī*, *Op.cit*, h 17.

<sup>44</sup>Al-Rāzī, Abū Abd al-Raḥmān bin Abī Ḥātim (1953), *Adab al-Shāfi'ī wa Manāqibuh*, Cet 1, Kaherah, Maṭba'ah al-Sa'ādah, h 7.



Di Mekah al-Shāfi'ī telah mempelajari al-Quran tanpa dikenakan bayaran oleh gurunya<sup>45</sup>. Ini kerana beliau berjaya menghafal ke semua ayat al-Quran dalam usia yang muda, iaitu 7 tahun<sup>46</sup>. Beliau juga diberi kepercayaan oleh gurunya dalam mengimamkan solat<sup>47</sup>. Kemudian, al-Shāfi'ī beralih pengajiannya ke bidang hadis dengan menghadiri setiap majlis-majlis ilmu di sana. Sewaktu mempelajari hadis, al-Shāfi'ī akan menghafal ke semua hadis yang dipelajarinya, atau menulis hadis-hadis itu di atas tembikar, kulit binatang, dan tulang belulang haiwan<sup>48</sup>. Sehingga beliau sanggup mengutip kertas-kertas terpakai di pejabat kerajaan bagi menulis hadis pada halaman yang belum digunakan<sup>49</sup>.

Bagi memantapkan ilmu bahasanya, al-Shāfi'ī telah pergi ke perdesaan suku *Banī Hudhāyl*<sup>50</sup>. Dimana *Banī Hudhāyl* merupakan golongan arab Badwī yang sangat mementingkan syair dan sastera arab yang tulen. Untuk itu, al-Shāfi'ī telah menetap di sana selama 10 tahun<sup>51</sup>. Tujuan al-Shāfi'ī adalah bagi memelihara bahasa arab *fushḥ*ahnya dari pengaruh bahasa 'ajam yang menular<sup>52</sup>. Kehebatan al-Shāfi'ī dalam bidang bahasa dan sastera arab telah diperakui oleh kebanyakan ahli sasterawan. Contohnya : Abū Ubāyd sebagai tokoh sasterawan ada menyebut : “al-Shāfi'ī terdiri di antara mereka yang diambil daripadanya bahasa Arab ”. Imām Aḥmad dan Abd Al-Mālik bin Hishām juga ada berkata : “kata-kata al-Shāfi'ī merupakan hujjah dalam

---

<sup>45</sup> Al-Rāzī, Fakhr Al-Dīn Muḥammad bin Umar bin Alī (t.t), *Manāqib Al-Imām Al-Shāfi'ī*, Kaherah, Maktabah al-'Alāmiyyah, h 9.

<sup>46</sup> Ibn Imād, Abd al-Ḥāy Muḥammad al-Ḥanbalī (1979), *Shadharāt al-Dhahab fī Al-Akhhār Man Dhahab*, Beirut, Dār al-Maṣīrah, Jld 2, h 9.

<sup>47</sup> Al-Bayhaqī, Abū Bakr Aḥmad al-Ḥusāyn (1971), *Manāqib al-Imām al-Shāfi'ī*, Cet 1, Kaherah, Dār al-Ihyā' al-Turāth, h 14.

<sup>48</sup> Al-Ḥamawī, Ibn Abd Allāh Yaḥyā bin Abd Allāh (1980), *Mu'jam Udabā'*, Beirut, Dār al-Kutub al-'Ilmiyyah, Jld 17, h 284.

<sup>49</sup> Abū Zuhrah, Muḥammad (1996), *Al-Shāfi'ī*, Cet 2, Kaherah, Dār Fikr 'Arabī, h 18.

<sup>50</sup> Al-Nawawī, Abū Zakariyyā Yaḥyā bin Sharf (1992), *Tahdhīb al-Asmā' wa al-Lughāt*, Beirut, Dār al-Kutub al-'Ilmiyyah, Jld 1, h 50.

<sup>51</sup> Abū Zuhrah, Muḥammad (1996), *Al-Shāfi'ī*, *Op.cit.*, h 19.

<sup>52</sup> Abū Zuhrah, Muḥammad (1996), *Tārīkh al-Madhāhib al-Islāmiyyah*, Kaherah, Dār al-Fikr al-'Arabī, h 426.

bahasa Arab ”<sup>53</sup>. Al-Aṣma‘ī sebagai pakar rujuk bahasa juga berkata : “aku telah memperbaiki syair-syair Hudhāyl melalui seorang pemuda yang bernama Muḥammad bin Idrīs al-Shāfi‘ī ”<sup>54</sup>.

Ketika di Mekah juga, al-Shāfi‘ī telah dilatih memanah dan menunggang kuda, sehingga beliau telah mencapai kemahiran yang sangat tinggi dalam kedua-dua bidang sukan ini<sup>55</sup>. Selain belajar ilmu hadis dan sastera arab, al-Shāfi‘ī juga mempelajari ilmu fiqh dengan mendampingi tokoh ulamak handalan di Mekah, seperti Muslim bin Khālīd Al-Zinjī dan Sufyān bin Uyaynah<sup>56</sup>.

## 4.2 Guru-guru Al-Shāfi‘ī di Mekah

Ketika di Mekah, al-Shāfi‘ī telah berguru dengan beberapa tokoh ulamak hadis dan fiqh yang terkenal. Antaranya adalah :

1. Muslim bin Khālīd Al-Zinjī (wafat 180H); beliau merupakan mufti Mekah dan seorang tokoh ulamak hadis yang terkenal<sup>57</sup>.
2. Sufyān bin Uyaynah Al-Hilālī (wafat 198H); beliau merupakan seorang *muḥaddith* yang cukup terkenal, bahkan seorang yang pakar dalam ilmu hadis<sup>58</sup>.
3. Abū Uthmān Sa‘īd bin Sālīm Al-Qaddāh ; seorang yang benar dan boleh diterima riwayat hadisnya.<sup>59</sup>

---

<sup>53</sup> Abū Sulaymān, Aḥmad bin Abd Allāh (1999), *Manhajīyyah Imām Muḥammad bin Idrīs Al-Shāfi‘ī*, Cet 1, Beirut, Dār Ibn Ḥazm, h 22.

<sup>54</sup> Mas‘ūdī, Muḥammad Radīd al-(1996), *Al-Mu‘tamad min al-Qadīm Qawl Al-Shāfi‘ī ‘alā al-Jadīd*, Riyāḍ, Dār al-Kutub, h 10.

<sup>55</sup> Abū Zuhrah, Muḥammad (1996), *Al-Shāfi‘ī*, *Op.cit.*, h 19.

<sup>56</sup> Abū Zuhrah, Muḥammad (1996), *Tārīkh al-Madhāhib al-Islāmiyyah*, *Op.cit.*, h 427.

<sup>57</sup> Ibn Sa‘ad, Muḥammad bin Sa‘ad bin Munī‘ al-Baṣrī (t.t), *Ṭabaqāt al-Kubrā*, Beirut, Dār al-Sadr, Jld 5, h 499.

<sup>58</sup> Ibn Khalīkān, Shams al-Dīn Abī al-‘Abbās Aḥmad bin Muḥammad(1949), *Wafayāt al-A‘yān wa al-Anbā’ al-Abnā’ al-Zamān*, Kaherah, Maktabah al-Nahḍah al-Miṣriyyah, Jld 2, h 130.

<sup>59</sup> Ibn Ḥajar al-‘Asqalānī, Aḥmad bin ‘Alī (2000), *Tahdhīb al-Tahdhīb*, Beirut, Muassasah al-Risālah, Jld 4, h 35.

4. Dāwūd bin ‘Abd Al-Raḥmān Al-Aṭṭār (wafat 174H); beliau merupakan guru al-Shāfi‘ī dalam bidang hadis, fiqh serta ilmu perubatan<sup>60</sup>.
5. ‘Abd Al-Mājid bin ‘Abd Al-‘Azīz bin Abū Rawād (wafat 186H); seorang yang *thiqah*.<sup>61</sup>

### 5.0 Kehidupan Al-Shāfi‘ī di Madinah

Sewaktu di Mekah lagi, al-Shāfi‘ī telah tertarik dengan berita Imām Mālik sebagai tokoh ahli hadis yang masyhur di Hijāz<sup>62</sup>. Sebelum itu, beliau juga telah meminjam kitab *al-Muwatta’a*’ dari seorang lelaki Mekah, dan menghafal keseluruhan kandungan kitab itu pada usianya 10 tahun<sup>63</sup>. Al-Shāfi‘ī telah menggunakan sepucuk surat dari gabenor Mekah sebagai syarat berjumpa dengan Imām Mālik. Umur al-Shāfi‘ī pada waktu itu baru 13 tahun, setengah riwayat mengatakan 20 tahun<sup>64</sup>. Al-Shāfi‘ī telah bermulāzamah dengan Imām Mālik, dan mendalami ilmu hadis dan fiqhnya sehingga ke akhir hayatnya pada tahun 179H. Ketika itu al-Shāfi‘ī sudah pun berumur 29 tahun, maksudnya beliau menuntut di Madinah selama 9 tahun<sup>65</sup>.

Kewujudan al-Shāfi‘ī di Madinah tidak pernah menghalangnya untuk bertemu dengan kabilah *Arab Badwī* bagi memperkasakan bahasanya. Kadang-kadang beliau pulang ke Mekah untuk menziarahi ibunya<sup>66</sup>. Sewaktu berusia 15 tahun, al-Shāfi‘ī telah diberi

---

<sup>60</sup>Ibn Sa‘ad, Muḥammad bin Sa‘ad bin Munī‘ al-Baṣrī (t.t), *Ṭabaqāt al-Kubrā*, *Op.cit*, Jld 5, h 498.

<sup>61</sup> Ibn Ḥajar al-‘Asqalānī, Aḥmad bin ‘Alī (2000), *Tahdhīb al-Tahdhīb*, *Op.cit*, Jld 6, h 381-383.

<sup>62</sup> Abū Zuhrah, Muḥammad (1996), *Tārīkh al-Madhāhib al-Islāmiyyah*, *Op.cit*, h 427.

<sup>63</sup> Ibn Kathīr, Abū al-Fidā’ Ismā‘īl bin Umar al-Dimashqī (1932), *al-Bidāyah wa al-Nihāyah fī al-Tārīkh*, Mesir, Maṭba‘ah al-Sa‘ādah, Jld 9, h 25.

<sup>64</sup> Nahrawī, Aḥmad (1988), *Imām Al-Shāfi‘ī fī Madhhabāyah al-Qadīm wa al-Jadīd*, Cet 1, Maṭba‘ah Qāherah, h 427.

<sup>65</sup> Abū Zuhrah, Muḥammad (1996), *Tārīkh al-Madhāhib al-Islāmiyyah*, *Op.cit*, h 427-429.

<sup>66</sup> *Ibid*, h 428.

kepercayaan dari gurunya Muslim bin Khālid Al-Zinjī, untuk memberikan fatwa dan mengajar hadis di Masjid al-Ḥarām<sup>67</sup>. Riwayat lain mengatakan umur beliau ketika dibenarkan berfatwa adalah 20 tahun<sup>68</sup>. Mengikuti setengah ulamak seperti al-Ramlī, Imām Mālik juga memberi izin berfatwa kepada al-Shāfi‘ī. Pendapat ini disokong oleh al-Bujayrimī<sup>69</sup>. Bagaimana pun, tiada riwayat yang jelas berkenaan dakwaan ini.

Sedang riwayat yang *dinaqalkan* adalah : Muslim Khālid Al-Zinjī berkata: “Berilah fatwa wahai Abū Abd Allāh, kerana sudah tiba waktu untuk engkau memberi fatwa”. Riwayat ini telah diperkukuhkan dengan kata Sufyān bin Uyaynah apabila orang meminta fatwanya, beliau berkata : “Tanyalah (hukum berkenaan) kepada budak ini (iaitu al-Shāfi‘ī)”<sup>70</sup>. Kedua riwayat ini boleh dikompromikan dengan makna al-Shāfi‘ī mendapat keizinan berfatwa dari kedua gurunya, Mālik dan Muslim pada tahun yang sama<sup>71</sup>. Selama di Madinah, al-Shāfi‘ī hanya bergantung kepada wang peruntukan *Bāyt al-Māl* yang diberikan kepada keturunan Banī Muṭṭalib<sup>72</sup>.

## 5.1 Guru-guru Al-Shāfi‘ī di Madinah

Ketika menuntut di Madinah, al-Shāfi‘ī tidak hanya berguru dengan Imām Mālik.

Beliau juga berguru dengan tokoh-tokoh ulamak Madinah yang lain. Antaranya :

---

<sup>67</sup>Ibn Khalīkān, Shams al-Dīn Abī al-‘Abbās Aḥmad bin Muḥammad(1949), *Wafayāt al-A‘yān wa al-Anbā’ al-Abnā’ al-Zamān*, Kaherah, Maktabah al-Nahḍah al-Miṣriyyah, Jld 1, h 566.

<sup>68</sup>Abū Zuhrah, Muḥammad (1996), *Tārīkh al-Madhāhib al-Islāmiyyah*, *Op.cit*, h 427.

<sup>69</sup>Ramlī, Shams al-Dīn Muḥammad bin Abī al-Abbās bin Shihāb al-Dīn al-(1968), *Nihāyat al-Muḥtāj ilā Sharḥ al-Minhāj*, Cet 1, Kaherah, Maṭba‘ah al-Muṣṭafā al-Bābī al-Ḥalabī, Jld 1, h 306.

<sup>70</sup>Al-Nawawī, Abū Zakariyyā Yaḥyā bin Sharf (1992), *Tahdhīb al-Asmā’ wa al-Lughāt*, Beirut, Dār al-Kutub al-‘Ilmiyyah, Jld 1, h 50.

<sup>71</sup>Nahrawī, Aḥmad (1988), *Imām Al-Shāfi‘ī fī Madhhabāyah al-Qadīm wa al-Jadīd*, Cet 1, Maṭba‘ah Qāherah, h 50-51.

<sup>72</sup>*Ibid*, h 429.

1. Imām Mālik bin Anas Al-Aṣḥabī (wafat 179H); merupakan tokoh besar Madinah dan salah seorang imam mazhab empat, yaitu pengasas *madhhab* Mālikī. Beliau seorang yang sangat tegas dalam agamanya, dan juga mempunyai karya hadis tersohor iaitu *al-Muwattaʿa*<sup>73</sup>.
2. Abū Ishāq Ibrāhīm bin Saʿad Al-Qurashī Al-Madanī (wafat 183/184H); salah seorang dari tābiʿ tābiʿīn. Seorang yang *thiqah* dan banyak riwayat hadisnya diterima oleh Bukhārī dan Muslim<sup>74</sup>.
3. Abū Muḥammad ʿAbd Al-ʿAzīz bin Muḥammad Al-Darāwardī (wafat 187H); berasal dari Khurasan, dan dilahirkan di Madinah. Namun beliau banyak tersilap meriwayatkan hadis<sup>75</sup>.
4. Ibrāhīm bin Abī Yaḥyā Al-Aslamī (wafat 184H); seorang yang berfahaman *muʿtazilah* dan banyak meriwayatkan hadis, kebanyakan hadisnya tidak ditulis<sup>76</sup>.
5. Muḥammad bin Ismāʿīl bin Muslim Abī Fidāyik (wafat 199H/200H); seorang yang *thiqah* menurut Ibn Ḥibbān.<sup>77</sup>
6. Abū Muḥammad ʿAbd Allāh bin Nāfiʿ Al-Ṣāiʿgh (wafat 206H); merupakan murid yang setia kepada Imām Mālik, dan mendapat kepercayaan gurunya.<sup>78</sup>

## 6.0 Kehidupan Al-Shāfiʿī di Yaman

Keberangkatan al-Shāfiʿī ke Yaman adalah melalui bantuan pembesar Quraysh yang berkenalan dengan gabenor kota Yaman. Sebelum ke Yaman, al-Shāfiʿī telah

<sup>73</sup>Ibn Ḥajar al-ʿAsqalānī, Aḥmad bin ʿAlī (t.t), *Tahdhīb al-Kamāl*, Beirut, Muassasah al-Risālah, Jld 3, h 129.

<sup>74</sup>Al-Nawawī, Abū Zakariyyā Yaḥyā bin Sharf (1992), *Tahdhīb al-Asmāʿ wa al-Lughāt*, *Op.cit.*, Jld 1, h 103.

<sup>75</sup>Ibn Saʿad, Muḥammad bin Saʿad bin Munīʿ al-Baṣrī (t.t), *Ṭabaqāt al-Kubrā*, *Op.cit.*, Jld 5, h 424.

<sup>76</sup>*Ibid.*, Jld 5, h 425

<sup>77</sup>Ibn Ḥajar al-ʿAsqalānī, Aḥmad bin ʿAlī (2000), *Tahdhīb al-Tahdhīb*, Beirut, Muassasah al-Risālah, Jld 9, h 61.

<sup>78</sup>Ibn Saʿad, Muḥammad bin Saʿad bin Munīʿ al-Baṣrī (t.t), *Ṭabaqāt al-Kubrā*, *Op.cit.*, Jld 5, h 438.

menggadaikan rumahnya sebagai bekalan<sup>79</sup>. Semasa di Yaman, al-Shāfi‘ī telah dilantik sebagai *qādī*. Riwayat lain mengatakan sebagai pegawai di Najran<sup>80</sup>. Dengan ilmu yang tinggi dan sikapnya yang tegas, menjadikan al-Shāfi‘ī terkenal di Yaman<sup>81</sup>. Tetapi keterampilan al-Shāfi‘ī tidak disenangi oleh beberapa pihak yang suka mengampu dan menyogok para pegawai di Najran untuk kepentingan mereka, melainkan al-Shāfi‘ī<sup>82</sup>. Hasilnya, al-Shāfi‘ī dituduh bersekongkol dengan puak *Shī‘ah ‘Alawiyyah* bagi menjatuhkan kerajaan ‘Abbāsiyyah yang dipimpin Hārūn Al-Rashīd. Tuduhan itu dibuat disebabkan kenyataan al-Shāfi‘ī : “ Sekiranya golongan Rāfiḍah mencintai keturunan keluarga Rasulullah S.A.W, maka saksikanlah sekalian manusia dan jin (thaqalāyn) bahawa aku adalah Rāfiḍah ”<sup>83</sup>.

Setelah ditangkap, al-Shāfi‘ī dibawa ke kota Baghdad dengan kedua tangannya digari. Ada riwayat mengatakan beliau ditangkap di Mekah, dan bukan di Yaman. Namun keduanya dapat dikompromikan bahawa al-Shāfi‘ī dituduh ketika beliau pulang ke Mekah untuk menziarahi ibunya, sedangkan beliau ditangkap ketika datang semula ke Yaman<sup>84</sup>. Umur al-Shāfi‘ī ketika itu berusia 34 tahun, bersamaan 184H.

## 6.1 Guru-guru Al-Shāfi‘ī di Yaman

Dalam tempoh 5 tahun di Yaman (iaitu dari 179H hingga 184H), al-Shāfi‘ī telah berguru dengan beberapa tokoh ulamak, antaranya :

---

<sup>79</sup> Abū Zuhrah, Muḥammad (1996), *Tārīkh al-Madhāhib al-Islāmiyyah*, Kaherah, Dār Fikr ‘Arabī, h 429.

<sup>80</sup> Mas‘ūdī, Muḥammad Radīd al-(1996), *Al-Mu‘tamad min al-Qadīm Qawl Al-Shāfi‘ī ‘alā al-Jadīd*, Riyāḍ, Dār al-Kutub, h 11.

<sup>81</sup> Judlī, Nur Abd (2006), *Manāhij Fuqahā’ al-Arba’ah*, Cet 1, Kuala Lumpur, Dār Tajdīd, h 124.

<sup>82</sup> Abū Zuhrah, Muḥammad (1996), *Al-Shāfi‘ī*, Cet 2, Kaherah, Dār al-Fikr al-‘Arabī, h 21.

<sup>83</sup> *Ibid*, h 430.

<sup>84</sup> *Ibid*, h 22.

1. Abū Ayyūb Muṭṭarīf bin Māzin Al-Ṣanʿānī (wafat 191H); beliau merupakan qāḍī di daerah Ṣanʿā, dan seorang yang salih<sup>85</sup>.
2. Hishām bin Yūsuf (wafat 197H); mendapat sebutan Abū ʿAbd Al-Raḥmān. Beliau merupakan perawi yang banyak meriwayatkan hadis di Yaman. Beliau juga pernah menjadi qāḍī di Ṣanʿā<sup>86</sup>.
3. ʿAmrū bin Abī Salamah Al-Zuhrī (wafat 132H di Shām kerana dibunuh); beliau adalah pengikut setia (*ṣāhib*) Al-Awzaʿī. Beliau seorang yang *thiqah* dan benar (*ṣadūq*) dalam meriwayatkan hadis<sup>87</sup>.
4. Yaḥyā bin Ḥasan bin Ḥayyān Al-Bakrī (wafat 208H); beliau adalah pengikut setia (*ṣāhib*) Al-Lāyṭh bin Saʿad dan seorang yang *thiqah*<sup>88</sup>.

## 7.0 Kehidupan Al-Shāfiʿī di Iraq

Di Iraq, al-Shāfiʿī telah dibebaskan dari hukuman bunuh disebabkan kepetahan hujahnya ketika berdialog dengan khalifah<sup>89</sup>. Campur tangan ulamak terkemuka Iraq, Muḥammad Ibn Ḥasan al-Shaybānī juga menjadi penyebab kepada pembebasan al-Shāfiʿī<sup>90</sup>. Sebenarnya pertemuan antara Muḥammad dan al-Shāfiʿī ini adalah buat kali kedua. Sebelum ini, kedua-duanya pernah menuntut bersama dengan Imām Mālik di

<sup>85</sup> Al-Nawawī, Abū Zakariyyā Yaḥyā bin Sharf (1992), *Tahdhīb al-Asmāʾ wa al-Lughāt*, Beirut, Dār al-Kutub al-ʿIlmiyyah, Jld 1, h 97.

<sup>86</sup> Ibn Saʿad, Muḥammad bin Saʿad bin Munīʿ al-Baṣrī (t.t), *Ṭabaqāt al-Kubrā*, Beirut, Dār al-Sadr, Jld 5, h 548.

<sup>87</sup> Ibn Ḥajar al-ʿAsqalānī, Aḥmad bin ʿAlī (2000), *Tahdhīb al-Tahdhīb*, Beirut, Muassasah al-Risālah, Jld 7, h 456-457.

<sup>88</sup> *Ibid*, Jld 11, h 197.

<sup>89</sup> Antara dialog tersebut: Al-Shāfiʿī berkata: “wahai Amīr al-Mukminīn, apa pandangan tuanku terhadap dua orang yang salah seorang darinya menganggap aku sebagai saudaranya, dan seorang lagi menganggap aku sebagai hambanya, mana antara keduanya yang lebih kau sukai?, jawab Hārūn : “sudah pasti yang melihat engkau sebagai saudaranya”, jawab Al-Shāfiʿī : “dan orang itu adalah engkau wahai Amīr al-Mukminīn!, kerana tuanku dari keturunan Abbās, dan mereka (shīʿah) keturunan Ali, dan kami (al-Shāfiʿī) pula keturunan Banū Muṭṭalib, maka tuanku dari keturunan Abbās melihat kami seperti saudara sendiri, sedangkan mereka (shīʿah) melihat kami seperti hamba mereka”. Al-Ḥamawī, Ibn ʿAbd Allāh Yaqūt ʿAbd Allāh (1980), *Muʿjam Udabāʾ*, Beirut, Dār al-Kutub al-ʿIlmiyyah, Jld 17, h 287.

<sup>90</sup> Abū Zuhrah, Muḥammad (1996), *Al-Shāfiʿī*, Cet 2, Kaherah, Dār al-Fikr al-ʿArabī, h 23.

Madinah<sup>91</sup>. Selama di Baghdad, al-Shāfi‘ī telah mempelajari *fiqh ahl al-ra’y* dengan menghafal setiap buku-buku karangan Muḥammad. Pengajian al-Shāfi‘ī ini berterusan sehinggalah Muḥammad wafat pada tahun 189H, dimana al-Shāfi‘ī berusia 39 tahun<sup>92</sup>.

Al-Shāfi‘ī kerap kali berdebat dengan anak-anak murid Muḥammad yang sebaya dengannya. Ketika berdebat, al-Shāfi‘ī menganggap dirinya sebagai anak murid Imām Mālik yang mempertahankan *manḥāj fiqh* Hijaz<sup>93</sup>. Tujuan al-Shāfi‘ī adalah untuk mencari kebenaran hukum melalui perdebatan tersebut. Al-Shāfi‘ī sendiri menyebut : “ Tidaklah aku berdebat dengan seseorang, melainkan aku tidak peduli samada Allah Ta‘ala akan menyatakan kebenaran itu di pihaku atau di pihak lawan”<sup>94</sup>.

Al-Shāfi‘ī juga pernah berdialog dengan Muḥammad berkaitan kes penerimaan saksi dengan bersumpah<sup>95</sup>. Pendekatan berdialog ini menunjukkan al-Shāfi‘ī telah dipengaruhi dengan metod *ahl al-ra’y* seperti mana yang diguna pakai Imām Abū Ḥanīfah terhadap murid-muridnya<sup>96</sup>. Kali pertama al-Shāfi‘ī di Baghdad tidaklah begitu lama. Menurut Abū Zuhrah selama dua tahun<sup>97</sup>. Kepulangan al-Shāfi‘ī ke Mekah semula adalah sebagai tokoh ulamak yang unik, kerana terkumpul padanya *fiqh ahl al-ḥadīth* dan *ahl al-ra’y*<sup>98</sup>.

---

<sup>91</sup> Abū Zuhrah, Muḥammad (1996), *Tārīkh al-Madhāhib al-Islāmiyyah*, Kaherah, Dār al-Fikr al-‘Arabī, h 431.

<sup>92</sup> Al-Daqqār, Abd Al-Ghanī (1990), *Al-Imām Al-Shāfi‘ī Al-Faqīh Al-Sunnah Al-Akbar*, Cet 5, Damsyiq, Dār al-Qalam, h 107.

<sup>93</sup> Abū Zuhrah, Muḥammad (1996), *Tārīkh Madhāhib Islāmiyyah*, *Op.cit.*, h 432.

<sup>94</sup> Muḥammad Yūsuf Mūsā (1961), *Al-Madkhal lī Al-Dirāsāt Al-Fiqh Al-Islāmī*, Kaherah, Dār al-Kitāb al-‘Arabī, h 151.

<sup>95</sup> Al-Shāfi‘ī, Al-Imām Muḥammad bin Idrīs (1990), *Al-Um*, Cet 1, Dār al-Fikr, Jld 7, h 31.

<sup>96</sup> Mahmood Zuhdi (2004), *Sejarah Pembinaan Hukum Islam*, Cet 6, Jabatan Penerbitan UM, h 165.

<sup>97</sup> Al-Shāfi‘ī, Al-Imām Muḥammad bin Idrīs (1990), *Al-Um*, *Op.cit.*, h 125.

<sup>98</sup> Aḥmad Amīn (1938), *Duḥā Islām*, Cet 2, Kaherah, Lajnah Ta‘līf wa al-Tarjamah wa al-Nashr, Jld 2, h 220.



## 7.1 Guru-guru Al-Shāfi'ī di Iraq

Di Iraq, al-Shāfi'ī tidak hanya berguru dengan Imām Muḥammad bin Ḥasan. Bahkan dengan beberapa ulamak-ulamak lain. Antaranya :

1. Abū 'Abd Allāh Muḥammad bin Ḥasan Al-Shaybānī (wafat 179H); beliau merupakan murid Imām Abū Ḥanīfah dan Abū Yūsuf. Beliau antara tokoh ulamak *ahl al-ra'y* yang hebat dan menjadi rujukan utama *madhhab ḥanafī*<sup>99</sup>.
2. Wakī' bin Al-Jarrāḥ Al-Kūfī (wafat 197H); dipanggil sebagai Abū Sufyān. Beliau merupakan tokoh ulamak hadis Iraq yang banyak meriwayatkan hadis. Beliau *thiqah* lagi amanah<sup>100</sup>.
3. 'Abd Al-Wahhāb bin 'Abd Al-Majīd Al-Baṣrī Al-Thaqafī (wafat 194H); beliau merupakan tokoh ulamak hadis di Basrah. Beliau perawi yang *thiqah* dalam meriwayatkan hadis<sup>101</sup>.
4. Abū Usāmah Ḥamād bin Usāmah Al-Kūfī Al-Hāshimī (wafat 201H); seorang yang *thiqah* menurut Imām Aḥmad.<sup>102</sup>

Ketika di Iraq, al-Shāfi'ī bukan sekadar mempelajari kaedah penggunaan *al-qiyās*.

Bahkan beliau juga mempelajari hadis dan mengambil riwayat-riwayat hadis yang tidak terdapat di Hijaz<sup>103</sup>.

---

<sup>99</sup> Muḥammad Khuḍrī Bik (1963), *Tārīkh al-Tashrī' al-Islāmī*, Kaherah, Maṭba'ah al-Sa'ādah, h 234.

<sup>100</sup> Ibn Sa'ad, Muḥammad bin Sa'ad bin Munī' al-Baṣrī (t.t), *Ṭabaqāt al-Kubrā*, Beirut, Dār al-Sadr, Jld 7, h 394.

<sup>101</sup> *Ibid*, Jld 7, h 289.

<sup>102</sup> Ibn Ḥajar al-'Asqalānī, Aḥmad bin 'Alī (2000), *Tahdhīb al-Tahdhīb*, Beirut, Muassasah al-Risālah, Jld 3, h 2-3.

<sup>103</sup> Abū Zuhrah, Muḥammad (1996), *Tārīkh al-Madhāhib al-Islāmiyyah*, Kaherah, Dār al-Fikr al-Arabī, h 432.

## 8.0 Kepulangan Al-Shāfi'ī ke Mekah (tahun 189H)

Sekembali al-Shāfi'ī ke Mekah, beliau telah melakukan kajian perbandingan terhadap hasil-hasil ijthihad *ahl al-ḥadīth* dan *ahl al-ra'y* dalam kes-kes *furū*<sup>104</sup>. Hasil kajian tersebut, al-Shāfi'ī telah mencapai dua perkara asas<sup>105</sup> :

1. Mewujudkan mazhab baru. Hal ini berlaku selepas ke semua pandangan Imām Mālik dan metodenya dikaji dan diselidik dengan secara kritis. Dari sini al-Shāfi'ī telah menulis sebuah kitab berjudul *Khilāf Mālik* (hal-hal yang tidak disepertujui al-Shāfi'ī dengan metode Imām Mālik). Hal yang sama dilakukan ke atas pendapat Muḥammad ibn Ḥasan dan guru-gurunya -Abū Ḥanīfah dan Abū Yūsuf- secara kritis. Hasilnya terbitlah kitab bertajuk *Khilāf Al-'Irāqīyyīn* (hal-hal yang tidak disepertujui al-Shāfi'ī dengan metode ulamak-ulamak Iraq).
2. Membina asas metode penyelidikan hukum. Sebenarnya para ulamak terdahulu sudah pun mempunyai metode penyelidikan hukum masing-masing. Cuma metode penyelidikan mereka itu berupa keterangan-keterangan umum yang tidak terperinci dan teratur<sup>106</sup>.

Hasil pencapaian metode baru al-Shāfi'ī ini diperkenalkan kepada orang ramai. Metode barunya itu telah menarik minat ulamak-ulamak terkemuka, seperti Imām Aḥmad bin Ḥanbal, Ishāq bin Rāhawāyḥ serta yang lainnya<sup>107</sup>. Malah ulamak Iraq seperti 'Abd Al-

<sup>104</sup> Abū Sulaymān Aḥmad Ibn Abd Allāh (1999), *Manhajīyyah Imām Muḥammad bin Idrīs Al-Shāfi'ī*, Cet 1, Beirut, Dār Ibn Ḥazim, h 24-25.

<sup>105</sup> Mahmood Zuhdi (2004), *Sejarah Pembinaan Hukum Islam*, Cet 6, Jabatan Penerbitan UM, h 166.

<sup>106</sup> Al-Zaydān, Abd Al-Karīm, (2003), *Al-Wajīz fī Uṣūl al-Fiqh*, Cet 1, Beirut, Muassasah al-Islāmiyyah, h 16.

<sup>107</sup> Al-Rāzī, Fakhr Al-Dīn Muḥammad bin Umar bin Alī (t.t), *Manāqib Al-Imām Al-Shāfi'ī*, Kaherah, Maktabah 'Alāmiyyah, h 41-43.

Raḥmān Al-Mahdī juga menyatakan minatnya untuk menulis sepucuk surat kepada al-Shāfi‘ī tentang cara memahami al-Quran, cara berhujah dengan hadis, kedudukan *ijmā’*, dan ilmu *nasakh mansūkh* dalam al-Quran dan al-Sunnah<sup>108</sup>.

Surat balas al-Shāfi‘ī kepada ‘Abd Al-Raḥmān melalui perantaraan Ḥārith bin Surāyj Al-Naqqāl, merupakan kitab *al-Risālah* yang menjadi kitab *uṣūl fiqh* yang pertama. Ia dinamakan *al-Risālah* sempena surat balas al-Shāfi‘ī kepada ‘Abd Al-Raḥmān Al-Mahdī<sup>109</sup>. Menurut Al-Rāzī, kitab *al-Risālah* ini ditulis ketika al-Shāfi‘ī berada di Iraq. Berkemungkinan al-Shāfi‘ī menulis kitab *al-Risālah* di Mekah, lalu memberikan kepada ‘Abd Al-Raḥmān ketika beliau di Iraq<sup>110</sup>.

## 9.0 Kedatangan Al-Shāfi‘ī Semula ke Iraq (tahun 195H)

Setelah 9 tahun di Mekah, al-Shāfi‘ī kembali semula ke Iraq dengan tujuan menyebarkan metode dan mazhab barunya<sup>111</sup>. Pemergian kali kedua al-Shāfi‘ī ke Iraq berlaku pada tahun 195H, iaitu ketika beliau berumur 45 tahun<sup>112</sup>. Di Baghdad, al-Shāfi‘ī telah mengadakan kelas pengajiannya di *Jāmi‘ al-Gharbī*<sup>113</sup>. Kuliah beliau juga telah menarik perhatian para tokoh ulamak Iraq seperti Aḥmad bin Ḥanbal, Ishāq bin Rāhawāyh, Abū Thāwr, Al-Za‘farānī dan Al-Karābisī<sup>114</sup>.

---

<sup>108</sup> *Ibid*, h 60.

<sup>109</sup> Al-Ḥamawī, Ibn Abd Allāh Yaḳūt Abd Allāh(1980), *Mu‘jam Udabā’*, Beirut, Dār al-Kutub al-‘Ilmiyyah, Jld 17, h 313.

<sup>110</sup> Abū Zuhrah, Muḥammad (1996), *Al-Shāfi‘ī*, Cet 2, Kaherah, Dār al-Fikr al-Arabī, h 26-27.

<sup>111</sup> Nahrawī, Aḥmad (1988), *Imām Al-Shāfi‘ī fī Madhhabāyih al-Qadīm wa al-Jadīd*, Cet 1, Maṭba‘ah Qāherah, h 67-68.

<sup>112</sup> Abū Zuhrah, Muḥammad (1996), *Al-Shāfi‘ī*, *Op.cit*, h 26-27.

<sup>113</sup> Ibn Ḥajar al-‘Asqalānī, Aḥmad bin ‘Alī (1301H), *Tawālī Ta‘sis bī al-Ma‘ālī Ibn Idrīs*, Kaherah, Maṭba‘ah al-Muniriyyah, h 58.

<sup>114</sup> Al-Nawawī, Abū Zakariyyā Yaḥyā bin Sharf (1992), *Tahdhīb al-Asmā’ wa al-Lughāt*, Beirut, Dār al-Kutub al-‘Ilmiyyah, Jld 1, h 61.

Dalam kelas pengajiannya, al-Shāfi‘ī menekankan soal kepentingan ilmu hadis sebagai asas pengajian fiqh. Tujuannya bagi memperbetulkan keadaan di Iraq yang hanya menumpukan pada aspek periwayatan hadis sahaja<sup>115</sup>. Selain itu, al-Shāfi‘ī juga menjelaskan ilmu *uṣūl al-fiqh* mengikut kaedah pendekatan hukum yang betul. Ishāq bin Rāhawāyḥ berkata : “sebelum kedatangan al-Shāfi‘ī, kami tidak pernah mengetahui apa itu ilmu Nāsikh dan Mansūkh”<sup>116</sup>. Kepetahan al-Shāfi‘ī dalam berbahasa, dan kehebatan beliau dalam mengemukakan hujah berserta dalil-dalilnya, menjadi faktor majlis ilmu beliau mendapat sambutan ramai pihak<sup>117</sup>. Sehingga dikatakan : “ketika al-Shāfi‘ī tiba di Baghdād untuk mengajar di Jāmi‘ al-Gharbī, terdapat 20 kelas pengajian yang masing-masing berada di bawah bimbingan ulamak *ahl al-ra’y*, apabila tiba hari Jumaat, kelas pengajian itu hanya tinggal 3 atau 4 kelas sahaja ”<sup>118</sup>.

Dari kelas pengajian ini, al-Shāfi‘ī telah berjaya melahirkan tokoh-tokoh ulamak yang hebat. Bahkan ada di antara mereka yang menjadi pengikut setia mazhab al-Shāfi‘ī, dan meninggalkan mazhab guru mereka sebelum ini<sup>119</sup>. Ketika di Iraq juga al-Shāfi‘ī telah memperbaiki semula penulisan terdahulunya seperti “*al-Risālah*”, serta menghasilkan penulisan baru seperti “*al-Mabsūṭ*” dan “*al-Ḥujjah*”<sup>120</sup>. Di mana karya-karya ini mewakili pendapat lama beliau atau *qāwl qadīmnya*.

---

<sup>115</sup> *Ibid*, h 60.

<sup>116</sup> Abū Zuhrah, Muḥammad (1996), *Tārīkh al-Madhāhib al-Islāmiyyah*, Kaherah, Dār al-Fikr al-‘Arabī, h 434.

<sup>117</sup> Abū Zuhrah, Muḥammad (1996), *Al-Shāfi‘ī*, *Op.cit*, h 30.

<sup>118</sup> Nahrawī, Aḥmad (1988), *Imām Al-Shāfi‘ī fī Madhhabāyḥ al-Qadīm wa al-Jadīd*, Cet 1, Maṭba‘ah Qāherah, h 69

<sup>119</sup> Al-Nawawī, Abū Zakariyyā Yaḥyā bin Sharf (2001), *Al-Majmū‘ Sharḥ al-Muhadhdhab*, Cet1, Beirut, Dār al-Iḥyā’ al-Turāth al-‘Arabī, Jld 1, h 16.

<sup>120</sup> Abū Zuhrah, Muḥammad (1996), *Tārīkh al-Madhāhib al-Islāmiyyah*, *Op.cit*, h 434.

## 10. Kembali Al-Shāfi'ī ke Iraq (tahun 198H)

Sebelum ini al-Shāfi'ī berada di Iraq selama dua tahun<sup>121</sup>. Namun pada kali ini beliau hanya singgah di Iraq untuk beberapa bulan sahaja<sup>122</sup>. Hal ini berlaku di atas sebab-sebab berikut :

1. Al-Shāfi'ī mendapati pengaruh mazhab Ḥanafī lebih mendominasi suasana di Iraq berbanding mazhabnya<sup>123</sup>.
2. Al-Shāfi'ī meninggalkan Iraq kerana gabenor Mesir bernama Al-'Abbās bin 'Abd Allāh bin Al-'Abbās mengajak beliau menemaninya ke Mesir. Selain gabenor Mesir ini juga berketurunan Banī Hāshim yang mempunyai hubungan kekeluargaan dengan Al-Shāfi'ī<sup>124</sup>.
3. Al-Shāfi'ī ke Mesir kerana di sana terdapat ramai pengikut Imām Mālik. Atas dasar persamaan latar belakang pengajian menjadikan al-Shāfi'ī lebih serasi dengan mereka berbanding di Iraq<sup>125</sup>.
4. Al-Shāfi'ī meninggalkan Iraq di atas sebab politik dan akademik<sup>126</sup>. Aspek politik, al-Shāfi'ī tidak suka dengan pengaruh Parsi yang semakin kuat di Iraq hasil kemenangan Al-Ma'mūn (yang berbangsa Parsi) ke atas saudaranya Al-Amīn (yang berketurunan Arab). Aspek akademik pula, al-Shāfi'ī hendak menjauhkan dari fitnah ideologi

---

<sup>121</sup> *Ibid*, h 434.

<sup>122</sup> Ibn Ḥajar al-'Asqalānī, Aḥmad bin 'Alī (1301H), *Tawālī Ta'sīs bi al-Ma'ālī Ibn Idrīs*, Kaherah , Maṭba'ah al-Munūriyyah, h 86.

<sup>123</sup> Aḥmad Amīn (1938), *Duḥā Islām*, Cet 2, Kaherah, Lajnah Ta'līf wa al-Tarjamah wa al-Nashr, Jld 2, h 223.

<sup>124</sup> Al-Ḥamawī, Ibn 'Abd Allāh Yaqūt 'Abd Allāh(1980), *Mu'jam Udabā'*, Beirut, Dār al-Kutub al-'Ilmiyyah , Jld 17, h 321.

<sup>125</sup> Mahmood Zuhdi(2007),22-23 Ogos, *Seminar Pemikiran Tajdid Imam Al-Shafi'i*, Kertas Kerja I, Akademi Pengajian Islam,UM, h 6.

<sup>126</sup> Mahmood Zuhdi(2004), *Sejarah Pembinaan Hukum Islam*, Cet 6, Jabatan Penerbitan UM, h 167.

*mu'tazilah* yang menular di Iraq. Ini kerana Al-Ma'mūn seorang yang berfahaman *mu'tazilah*. Kebanyakan para fuqahā' telah dipaksa memperakui ideologi ini<sup>127</sup>.

5. Al-Shāfi'ī berpindah ke Mesir kerana ingin mengembangkan ilmunya serta mencari ilmu-ilmu baru yang belum diterokainya<sup>128</sup>.

Berdasarkan sebab-sebab di atas, penulis cenderung kepada pandangan kelima memandangkan ianya sangat relevan untuk dijadikan alasan mengapa al-Shāfi'ī meninggalkan Iraq dan berpindah ke Mesir.

## 11. Kehidupan Al-Shāfi'ī di Mesir

Tujuan al-Shāfi'ī ke Mesir kerana di sana terdapat beberapa tokoh ulamak sohor seperti Al-Lāyṡh bin Sa'ad yang merupakan sahabat baik Imām Mālik. Disamping itu, ramai juga bekas anak murid Imām Mālik yang menetap di sana<sup>129</sup>. Mengikut ahli sejarah, al-Shāfi'ī tiba di Mesir pada tahun 199H. Ada mengatakan pada tahun 200H<sup>130</sup>. Namun Al-Nawawī menyimpulkan bahawa al-Shāfi'ī tiba di Mesir pada akhir tahun 199H<sup>131</sup>. Ketika al-Shāfi'ī di Mesir, pengaruh fiqh di sana telah dipelopori oleh dua golongan, iaitu mazhab Mālikī sebagai majoriti dan mazhab Ḥanafī sebagai manoriti<sup>132</sup>.

---

<sup>127</sup> Abū Zuhrah, Muḥammad (1996), *Tārīkh al-Madhāhib al-Islāmiyyah*, Kaḥerah, Dār al-Fikr al-Arabī, h 435-436.

<sup>128</sup> Nahrawī, Aḥmad (1988), *Imām Al-Shāfi'ī fī Madhhabāyḥ al-Qadīm wa al-Jadīd*, Cet 1, Maṡba'ah Qāḥerah, h 77-78.

<sup>129</sup> Abū Zuhrah, Muḥammad (1996), *Tārīkh al-Madhāhib al-Islāmiyyah*, *Op.cit.*, h 436.

<sup>130</sup> Ibn Khalikān, Shams al-Dīn Abī al-Abbās Aḥmad bin Muḥammad(1949), *Wafayāt al-A'yān wa al-Anbā' al-Abnā' al-Zamān*, Kaḥerah, Maktabah al-Nahḍah al-Miṡriyyah, Jld 1, h 566.

<sup>131</sup> Al-Nawawī, Abū Zakariyyā Yaḥyā bin Sharf (1992), *Tahdhīb al-Asmā' wa al-Lughāt*, Beirut, Dār al-Kutub al-'Ilmiyyah, Jld 1, h 48.

<sup>132</sup> Aḥmad Amīn (1938), *Duḥā Islām*, Cet 2, Kaḥerah, Lajnah Ta'līf wa al-Tarjamah wa al-Nashr, Jld 2, h 90-91.

Ketika al-Shāfi'ī ke Mesir, beliau ditemani dua orang anak muridnya iaitu Rabī' bin Sulaymān dan Abd Allāh bin Zuhāyr al-Ḥumāyd. Tiba di Mesir, al-Shāfi'ī singgah menjenguk kerabatnya dari suku *al-Azd*. Tindakan ini bagi mengikuti sunnah Nabi S.A.W yang menziarahi suku Banī Najjār setelah baginda tiba di Madinah<sup>133</sup>. Di Mesir, al-Shāfi'ī mengadakan kelas pengajian di *Jāmi' 'Amrū bin Al-'Āṣ* yang terletak di Fuṣṭāṭ<sup>134</sup>. Hasilnya ramai pengikut mazhab Mālikī dan Ḥanafī yang beralih kepada mazhab beliau. Antara tokoh mazhab Mālikī yang menjadi pengikut al-Shāfi'ī adalah al-Buwayṭī dan al-Muzannī<sup>135</sup>. Kelebihan majlis ilmu al-Shāfi'ī ini telah diperakui oleh muridnya al-Karābisī<sup>136</sup>.

Sewaktu di Mesir, al-Shāfi'ī telah membuat pembetulan kitab *al-Risālah*nya yang lama. Malah beliau juga berjaya menghasilkan kitab *al-Um*<sup>137</sup>. Dimana kitab ini merupakan rujukan utama dalam mazhab Shāfi'ī, kerana ia hasil semakan semula al-Shāfi'ī ke atas pendapat-pendapat lamanya dalam kitab *al-Ḥujjah* atau *al-Mabsūṭ*. Maka kitab *al-Um* dan *al-Risālah al-Jadīdah* ini mewakili *qawl jadīd*nya<sup>138</sup>.

Di Mesir al-Shāfi'ī telah menarik semula beberapa pendapat lamanya di Iraq. Ini disebabkan al-Shāfi'ī memperolehi hadis-hadis sahih dan beberapa pandangan fiqh al-Lāyṭh. Mungkin juga faktor persekitaran di Mesir, yang agak berbeza dengan

---

<sup>133</sup>Nahrawī, Aḥmad (1988), *Imām Al-Shāfi'ī fī Madhhabāyḥ al-Qadīm wa al-Jadīd*, Cet 1, Maṭba'ah Qāherah, h 81.

<sup>134</sup>Muṣṭafā Abd Al-Razzāq(1944), *Tamhīd lī Al-Tārīkh Al-Falsafah Al-Islāmiyyah*, Kaḥerah, Lajnah al-Ta'līf , h 227.

<sup>135</sup>*Ibid*, h 227.

<sup>136</sup>Al-Karābisī ada berkata : “aku belum pernah melihat satu majlis ilmu yang lebih hebat dari majlis ilmu Al-Shāfi'ī, dimana ianya dikerumuni dan dihadiri oleh ahli hadis, ahli feqah, dan ahli syair, selain didatangi oleh ahli sasterawan bahasa arab yang terkemuka, dan setiap dari mereka memujinya (al-Shāfi'ī)” Al-Nawawī, Abū Zakariyā Yaḥyā bin Sharf(1992), *Tahdhīb al-Asmā' wa al-Lughāt* , *Op.cit*, h 61.

<sup>137</sup>Mas'ūdī, Muḥammad Radīd al-(1996), *Al-Mu'tamad min al-Qadīm Qawl Al-Shāfi'ī 'alā al-Jadīd*, Riyāḍ, Dār al-Kutub, h 61.

<sup>138</sup>Mahmūd Zuhdi (2007), 22-23 Ogos, *Seminar Pemikiran Tajdid Imām Al-Shāfi'ī*, Kertas Kerja I, Akademi Pengajian Islam,UM, h 9-10.

persekitaran di Iraq dan di Hijaz<sup>139</sup>. Al-Shāfi'ī juga mengambil ilmu dari fiqh al-Lāyṭh melalui muridnya, Yaḥyā bin Ḥasan Al-Tanīsī, dan *āthar* dari murid Imām Mālik, 'Abd Allāh bin 'Abd al-Ḥakam. Beliau juga tidak ketinggalan mempelajari fiqh al-Awza'ī melalui muridnya, Abū Salamah al-Dimashqī dan juga al-Tanīsī<sup>140</sup>. Di Mesir, al-Shāfi'ī telah berjaya melahirkan tokoh-tokoh ulamak handalan seperti al-Muzannī, al-Buwāyḫī, Ḥirmalah, Muḥammad bin 'Abd Allāh bin 'Abd al-Ḥakam dan lain-lain<sup>141</sup>.

Al-Shāfi'ī tidak tinggal begitu lama di Mesir. Setengah riwayat mengatakan tidak lebih dari 5 tahun, riwayat lain pula mengatakan tidak melebihi 6 tahun<sup>142</sup>. Ada pendapat yang mengatakan selama 4 tahun<sup>143</sup>. Sekalipun tempoh yang singkat, namun inilah era kegemilangan al-Shāfi'ī. Kerana karya *al-Um* dan *al-Risālah al-Jadīdah* merupakan kemuncak fiqh al-Shāfi'ī, memandangkan kedua kitab ini berlaku *taṣḥīḥ* sebanyak dua kali<sup>144</sup>.

---

<sup>139</sup> Aḥmad Amīn (1938), *Duḥā Islām*, Cet 2, Kaherah, Lajnah Ta'rif wa al-Tarjamah wa al-Nashr, Jld 2, h 231.

<sup>140</sup> Qawāsīmī, Akrām Yūsuf Umar al-(2003), *Madkhal ilā Madhhab Al-Imām Al-Shāfi'ī*, Cet 1, Dār al-Nafāis, Jordan, h 299-303.

<sup>141</sup> Mas'ūdī, Muḥammad Radīd al- (1996), *Al-Mu'tamad min al-Qadīm Qawl Al-Shāfi'ī 'alā al-Jadīd*, *Op.cit*, h 52-53.

<sup>142</sup> Al-Ḥamawī, Ibn 'Abd Allāh Yaqūt 'Abd Allāh(1980), *Mu'jam Udabā'*, Beirut, Dār al-Kutub al-'Ilmiyyah , Jld 17, h 314.

<sup>143</sup> Qawāsīmī, Akrām Yūsuf Umar al- (2003), *Madkhal ilā Madhhab Al-Imām Al-Shāfi'ī*, *Op.cit*, h 305.

<sup>144</sup> Nahrawī, Aḥmad (1988), *Imām Al-Shāfi'ī fī Madhhabāyḥ al-Qadīm wa al-Jadīd*, Cet 1, Maṭba'ah Qāherah, h 219.